



### Chhiò-khoe

## Ke-chhùi Tàu Ah-chhùi

Ńg Khèng-gôan

A-Tiong peh kap A-Tiong m̄ sī chit tui tiông-hō iū-koh láu-sit ê chò-sit lāng. Ang-á-bó n̄ng lāng sui-jiân bô siū sím-mih kàu-iók, m̄-kú khiok chai-pôe chhut chit ê chiá<sup>n</sup> ū sêng-chiū ê hâu-se<sup>n</sup>, i sī tī Bí-kok chit keng chin chhut-miá ê kong-si teh chiáh thâu-lō, sng--khí--lâi ká-ná chin hó-kòe ê khoán-sit.

Ū chit nī ê jòah-thi<sup>n</sup>, A-Tiong peh chiap tiòh in kiá<sup>n</sup> tui Bí-kok kiá--lâi ê phoe, kóng beh kiò in n̄ng ê lâu..ê khi Bí-kok thit-thò, sūn-sòa tòi--chit--chām--ah. N̄ng ê lâu..ê chham-siông ê kiát-kó, chiū koat-tēng beh khi--lah. In-ūi tui in ê cha-pō sun sa<sup>n</sup> tang chêng tī Bí-kok chhut-si í-lâi, iáu-koh m̄ bat kī<sup>n</sup>-kòe i chit bīn, mā m̄ chai se<sup>n</sup>-chò í<sup>n</sup>, á-sī pí<sup>n</sup>.

A-Tiong peh kap A-Tiong m̄ n̄ng lāng lóng ū chá khí--lâi ê sip-kòan. Chái-khí-si thi<sup>n</sup> iáu bōe kng, n̄ng ê lâu..ê chiū sio-chio khi hái-pi<sup>n</sup>-á sán-pō, tī lō-tò tiông sòa tú tiòh chit ê jiát-chêng ê a-tok-á tui-bīn kiá<sup>n</sup>--kòe--lâi. Chú-tōng giáh chhiú ká in sio-chioh-m̄ng kóng, “Gú bô ni.” A-Tiong peh thia<sup>n</sup> bô ì-sù chiū sòa-chhùi ká i in kóng, “Góa A-Tiong.” Chhin-chhiū<sup>n</sup> chit khoán chêng-hêng sio liân-sòa tãi-khai ū chit lé-pài kú. Ū chit àm,

tng chòan ke chò-hóe teh chiáh àm-tng ê sí, A-Tiong peh tòng bōe tiâu chiū khui-chhùi m̄ng i ê hâu-se<sup>n</sup> kóng, “Gú bô ni” tàu-té sī sím-mih ì-sù? In hâu-se<sup>n</sup> bûn-bûn-á chhiò i kóng, “He tō-sī gâu-chá ê ì-sù--lah.” A-Tiong peh tìm-thâu sè-sia<sup>n</sup> hōe-èng kóng, “Hò!” án-ni--oh,” sim-lâi ū sò ê khoán.

Keh-tng chá-khí A-Tiong peh kap A-tiong m̄ ték-piát koh kah chá khí--lâi, lâi kàu tī pêng-siông-si kap A-Tok-á sio tú-bīn ê só-chāi thêng-hâu, tng A-Tok-á kīa<sup>n</sup> kīn-óa--lâi ê sí, chiū kóa<sup>n</sup>-kín seng kiáh chhiú chhut tōa-sia<sup>n</sup> kiò kóng, “Gú bô ni.” Chit hōe ōa<sup>n</sup> A-Tok-á chū-jiân teh in i kóng, “Góa A-Tiong.” Náu-kin chit sí tng bōe--kòe--lâi ê A-Tiong peh, sim-lâi teh siū<sup>n</sup>, “ngh, ngh, ná ē án-ni? Chin kī-kòai--oh?”



### Góa Beh Niá Bān-it

Liân Lē-hóa

Chèng-hú ūi-tiòh beh pò-thiap lóng-bīn ê sêng-oáh. Ū sit-si chin-chōe ê chêng-chhek. Ū chit kang, lóng-hōe ê hòng-sàng-ki teh kóng-pò kóng, “Nā thêng-keng (休耕) ê lóng-tē, ē-tit-thang niá gō-chheng. Nā ū phùn-bū-khi..ê, tiòh ē-sái niá lāk chheng. Ài tòi in-á kap sin-hūn chêng kàu lóng-hōe pān-sū chhù lâi niá.”